

越城縣廣勝寺



一五二四 佛說十力經

大宋新譯三藏聖教序 方經 說

太宗神功聖德文武皇帝製

大矣哉我佛之教也化導羣迷闡揚  
宗性廣博宏辯英彥莫能究其旨精  
微妙說庸愚豈可度其源義理幽玄  
真空莫測包括萬象譬喻無垠綜法  
網之紀綱演無際之正教拔四生於  
苦海譯三藏之秘言天地變化乎陰  
陽日月盈虧乎寒暑大則說諸善惡  
細則比於恒沙含識萬端弗可盡述  
若窺相法如影隨形離六情以長存  
歷千劫而可久須彌納藏於芥子如  
來坦蕩於無邊達磨西來法傳東土  
宣揚妙理順從指歸彼岸菩提愛河  
生滅用行於五濁惡趣拯溺於三乘  
途中經垂世以難窮道無私而未泰  
雪山貝葉若銀臺之耀日歲月煙蘿  
起香界之自遠巍巍罕則杳杳難名  
所以道資十聖德被三賢至道起於  
乾元衆妙生乎太易摠繁形類（數聖）  
昏明絕彼是非開茲蒙昧有西域法  
師天息災等常持四忍早悟三乘翻  
貝葉之真詮續人天之聖教芳猷重

佛說十力經卷 二 說

啓通偶昌時潤五聲於文章暢四始  
於風律堂堂容止穆穆輝華曠劫而  
昏墊重明玄門昭顯執範而彌光妙  
法淨界騰音利益有情俱登覺岸元  
成彰礙救諸疲羸冥昧慈悲浩汗初  
表柔伏貪恨啓滌昏愚演小乘聲聞  
合其儀論大乘正覺立其性合靈悟  
而蒙福藏教設而重興幻化迷途火  
宅深喻難設其教不知者多善念生  
而無量潛臻惡業興而隨緣皆隨調  
御四來積行十方樹華雨於金輪護  
恒沙於玉闕有頂之風不可覆無際  
之水弗能漂登寂湛然圓明清淨之  
智慧性空無染妄相解脫之因緣可  
以離煩惱於心田可以得清涼於宇  
宙朕蕙非博學釋典微開豈堪序文  
以示來者如縻螢燭火不足比之於  
皎日將微蠶量海未能窮盡於深淵  
者哉

繼作聖教序

御製

高明肇分三辰方乃序其次厚載初  
定萬彙於以發半端清濁之體既彰

六六一八九

佛說十力經 第三

善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀

太宗神功聖德文武皇帝法性周圍仁慈普布化靈箱則萬邦輻濬蹄悉民於仁壽之鄉崇教法則四海雲從惠蒼生於富庶之域見尊經之浩汗設方便以救沈淪知法界之恢宏行精進而攝懈怠乃擇其邃宇校彼真文命天竺之高僧譯貝多之佛語象管翻成於金字珠編復置於琅函龍宮之聖藻惟新驚廣之必躬仰歎由是三乘共貫四諦同圓盡空真正之言顯秘蜜精研之義讚相相乎實相論空空乎盡空華嚴之理合軌軌金相之教同窺矩狀續嗣  
丕構恭臨寶圖常翼翼而撫北民每兢兢而守先訓以至釋典尤未精詳諒其幽深

佛說十力經 第五

曷能探測有譯經西域僧法賢奏章懇切致意專勤以先皇帝大闡真風高傳佛旨與前王之墜典振覺路之頽綱欲旌天造之功庸用廣

聖文之述作請予製序繼聖教焉自聖考上僊追號因息政事之外何暇經心今已禪除思臻微奧雖勿承慈誨奈夙乏通才焉窮乎法海之津涯莫造乎空門之閩域略敷大意以徇輿情蹄涔不足擬洛日之波尺筆豈能量昊天之恩聊述短序以紀聖功者焉  
佛說十力經卷

聖德三藏高僧法賢於唐蓮花寺譯畢述上

如是我聞一時佛在舍衛國祇樹給孤獨園介時世尊告諸苾芻汝等當知諸佛如來應正等覺具足十力具十力故得名如來應正等覺尊勝殊特雄猛自在能轉無上清淨梵輪於大眾中正師子吼何等為十所謂如來應正等覺於是處如實知是處於非處如實知非處皆如實知若諸如

佛說十力經 第五 說

來應正等覺於是處如實知是處於非處如實知非處以如實知處非處故是名第一處非處智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正等覺於諸有情過去未來現在諸業及諸法牙觸應異熟皆如實知若諸如來應正等覺於諸有情過去未來現在諸業及諸法牙觸應異熟如實知故是名第二業異熟智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼  
復次如來應正等覺於諸有情於一切靜慮解脫等持雜染清淨解脫清淨建立剎別皆如實知若諸如來應正等覺於諸有情於一切靜慮解脫等持雜染清淨解脫清淨建立剎別如實知故是名第三靜慮解脫等持智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正覺覺於諸有情諸根勝劣皆如實知若諸如來應正覺於諸有情諸根勝劣如實知故是名第四根上下智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正等覺於諸有情種種樂欲勝解剎別皆如實知若諸如來應正等覺於諸有情種種樂欲剎別如實知故是名第五種種樂欲勝解剎別智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正等覺於諸有情於一切世間非一種種諸界種姓剎別皆如實知若諸如來應正等覺於諸有情於一切世間非一種種諸界種姓剎別如實知故是名第六種種諸界智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正等覺於諸有情於諸趣行皆如實知若諸如來應正等覺

於諸有情於徧趣行如實知故是名第七徧趣行智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正等覺於諸有情過去無量諸宿往事假使一生乃至十生或二十生乃至百生千生或無量生或一增減劫乃至百千無量諸增減劫皆如實知諸有情類若干名字如是方所如是種姓如是飲食如是苦樂如是壽命住時脩短彼處壽命盡彼處受生此處命盡此處受生彼處壽命所有諸行諸識諸想如實知故是名第八宿住智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正等覺於諸有情以淨天眼超過於人見諸有情死時生時善不善色勝劣等行行善不善感善不善皆如實知復見有情起身惡行及口意業毀謗賢聖起大邪見作邪

見業具此業緣身壞命終墮三惡道復見有情起身善行及口意業不謗賢聖不毀正信心為正見起正見業具此業緣身壞命終得生天上如實知故是名第九死生智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

復次如來應正等覺於諸漏盡靜慮心解脫息解脫自證通惠而住我生已盡梵行已立所作已辦不受後有皆如實知若諸如來應正等覺於漏盡靜慮心解脫息解脫自證通惠而住我生已盡梵行已立所作已辦不受後有如實知故是名第十漏盡智力具此力故得名如來應正等覺尊勝殊特雄猛自在能轉無上清淨梵輪於大眾中正師子吼

今時世尊說是經已諸苾芻眾天龍藥叉乾闥婆阿素洛等皆大歡喜信受奉行

佛說十力經一卷

佛說十力經一卷

校勘記

一 底本，金藏廣勝寺本。

一 此經爲前卷佛說十力經之又一刻本。其中八二一頁中原版缺，以麗藏本補。